



IZVJEŠTAJ

FONDACIJE LOKALNE

DEMOKRATIJE

ZA 2011.

Misija Organizacije

Fondacija lokalne demokratije izrasla je iz internacionalne organizacije Ambasada lokalne demokratije Barcelona-Sarajevo, osnovane 1996. godine na inicijativu Vijeća Evrope, sa ciljem povezivanja i bratimljenja sa drugim evropskim gradovima, razvoja demokratije, kulturnih razmjena, te socio-ekonomskog razvoja. U toku postojanja Ambasade lokalne demokratije (1996-2003), implementirano je preko 300 projekata. Projekti su realizirani u oblastima rekonstrukcije, samoodrživog povratka, zdravstveno-socijalne zaštite, obrazovanja i kulture.

U januaru 2003. godine preregistrirali smo se u lokalnu organizaciju - Fondaciju lokalne demokratije - kao pravnu nasljednicu Ambasade lokalne demokratije Barcelona-Sarajevo, a u skladu sa Zakonom o udruženjima i fondacijama na teritoriji BiH.

Vizija Fondacije lokalne demokratije je stvoriti *društvo jednakih mogućnosti*.

Misija Fondacije je prevencija, zaštita i borba protiv nasilja na osnovu spola kroz sistemski rješenje, multidisciplinarni pristup u radu i suradnju sa drugim NVO i institucijama sistema.

Ciljevi Fondacije:

- Promocija i zaštita ljudskih prava na svim nivoima društvenog i javnog života;
- Podržavanje zajedničkog djelovanja ženskih grupa i NVO-a u osnaživanju žena za aktivno učešće u transformaciji BiH društva i ravnopravnu ulogu žena u javnoj i privatnoj sferi;
- Unapređenje društvenog položaja žene prevencijom i zaštitom od nasilja u porodici i drugih vrsta nasilja putem organiziranja skloništa, prihvatnih i terapijskih centara, osposobljavanja i prekvalifikacije, pružanja pravne pomoći;
- Promocija i zaštita dječijih prava, posebno sa aspekta zaštite od nasilja u porodici, manipulacije djece, njihovog iskorištavanja u bilo kojem nedozvoljenom obliku;
- Razvoj civilnog društva podržavanjem i implementacijom projekata koji promoviraju ljudska prava, pomažu razvoju nevladinog sektora angažiranoga na demokratizaciji društva;
- Projekti zaštite i očuvanja kulturnog i historijskog naslijeđa i baštine;
- Prikupljanje sredstava i stvaranje fonda za pomoć u institucionalnom i ekonomskom osnaživanju nevladinih organizacija i institucija u BiH, a u skladu sa pozitivnim zakonskim propisima u BiH;
- Poboljšanje kapaciteta nevladinih organizacija i stvaranje dugoročnih uvjeta za samoodrživost nevladinih organizacija;

- Uspostavljanje povoljnijeg ambijenta za bolji zakonski i politički okvir, kao i širu javnu svijest o karakteru i ulozi nevladinih organizacija, uključujući i aktivniju ulogu zajedničkih institucija na nivou BiH;
- Suradnja sa evropskim i svjetskim organizacijama slične programske orijentacije.

Principi rada Organizacije:

- Multidisciplinarni pristup
- Postizanje dugoročnih rezultata
- Suradnja sa vladinim i nevladinim sektorom
- Transparentnost u radu i djelovanju
- Partnerstvo i solidarnost -Timski rad
- Dobar protok informacija i dobra komunikacija
- Motivacija i dobrovoljnost u radu

Osnovna informacija o Organizaciji

Naziv:	Fondacija lokalne demokratije
Oblik organiziranja	Fondacija
Datum osnivanja organizacije:	20. mart 2003. godine
Adresa:	Bravadžiluk bb
Grad:	Sarajevo
Država:	Bosna i Hercegovina
Telefon:	+ 387 33/237-240
Telefon/fax:	+ 387 33/236-899
Web site:	www.fld.ba
Upravni Odbor:	U oktobru izabran novi Upravni odbor u sastavu: Halima Hadžijamaković, dipl. ecc- predsjednica, zaposlena u: Preventinvest, direktorica Klelija Balta, ing. hidrogeologije- članica, zaposlena u: UNDP DG/SI Klaster, koordinatorica/savjetnica za ravnopravnost spolova Midheta Kurspahić, dipl. žurnalistkinja- članica, zaposlena u: JP Elektroprivreda BiH, glasnogovornica Alija Čengiće, dipl. ecc- član, zaposlen u: Institucije kulture Doc. dr. Irma Deljković- članica, zaposlena u: Fakultet za kriminalistiku, kriminologiju i sigurnosne studije
Kontakt osoba:	Jasmina Mujezinović, izvršna direktorica

ISKUSTVA

PROGRAMSKA OBLAST: UNAPREĐENJE LJUDSKIH PRAVA ŽENA, DJEVOJAKA I DJECE



Ministarstvo za rad, socijalnu politiku raseljena lica i izbjeglice

Kantona Sarajevo



Grad Sarajevo

Specifični cilj: Promocija prava na život bez nasilja - zaštita

- Unapređenje položaja žena, djevojaka i djece kroz prevenciju i zaštitu od nasilja na osnovu spola.

Ovo su programi u zajednici, bazirani na humanim pravima žena, djece i djevojaka, žrtava zlostavljanja u porodici i od trećih lica. Promovira potrebu promjena (pravnih, medicinskih, socijalnih) u pravcu reduciranja nasilja i stvaranja uvjeta u kojima je žrtva zbrinuta i u kojima joj je pružena potrebna psihosocijalna pomoć.

Širi cilj programa: stvaranje i razvoj sistema zaštite žrtava zlostavljanja; promoviranje nasilja na osnovu spola kao javnog problema; stvaranje mreže nevladinih organizacija koje se bave problematikom zaštite žrtava kućnog nasilja; vršenje utjecaja na institucije sistema ka promjeni odnosa prema nasilju u porodici i trgovini ženama.



A/Program „Snaga je u tebi“

je integrirani bazični program Organizacije koji se odnosi na zaštitu osoba sa preživljenim iskustvom nasilja u porodici i promociju zajedničkog djelovanja ženskih nevladinih organizacija i institucija protiv nasilja u porodici (kontinuirani projekt od 2000. godine).

U okviru programa, od oktobra 2000. godine vodimo Sigurnu kuću - Sklonište za žene i djecu, žrtve nasilja u porodici.

Kapacitet Skloništa je 35 korisnika/ca (15 žena i 20 djece) koje su žrtve nasilja u porodici. Primarni cilj projekta je obezbjeđenje direktne zaštite i psihosocijalna podrška ekstremno ugroženim kategorijama žena, djece i djevojaka (smještajem u Sigurnu kuću i obezbjeđenjem neophodne psiho-socijalne podrške).

Prijem u Sklonište se vrši po preporuci Centra za socijalni rad, policijskih uprava ili NVO-a, na osnovu potpisanih Protokola o postupanju sa žrtvama nasilja u porodici između Fondacije lokalne demokratije, Kantonalnog centra za socijalni rad i MUP-a Sarajevo (Odjeljenje za specijalne namjene).

Korist za zajednicu je višestruka, jer Sklonište je, na području Kantona Sarajevo, jedina Sigurna kuća za žene, djevojke i djecu, žrtve nasilja.

B/ Program „Ti to možeš“

Implementira se od oktobra 2002. godine, u okviru kojeg smo osnovali **Sklonište za djevojke, žrtve nasilja** (trgovine ljudima, incesta, prostitucije), a namijenjeno je bosanskohercegovačkim državljanima starosne dobi od 12 do 18 godina.

Sklonište ima kapacitet za 10 djevojaka koje su žrtve psihičkog, fizičkog ili seksualnog nasilja (trafficking, incest, prostitucija, silovanje). Primarni cilj ovog projekta je obezbjeđivanje direktne zaštite djevojaka, žrtava nasilja. Namijenjeno je bosanskohercegovačkim državljanima starosne dobi od 12 do 18 godina. U Skloništu je djevojkama obezbjeđena psihosocijalna rehabilitacija, (grupne i individualne terapije), kao i resocijalizacija (nastavak školovanja i ponovno uključivanje u društveni život).

U BiH je ovo jedino sklonište koje zbrinjava ovu kategoriju stanovništva.

Vrste usluga koje se pružaju žrtvama nasilja u porodici u Sigurnoj kući/Skloništu:

- Psiho-socijalni tretman (individualna, grupna, edukativna, suportivna, rekreativna, radno-okupaciona terapija, medikamentozna);
- Pružanje medicinske i pravne pomoći, a u suradnji sa našim poslovnim suradnicima (Centar za besplatnu pravnu pomoć FLD, KCUS, domovi zdravlja i druge medicinske ustanove);

- Terapijski rad sa partnerom/nasilnikom zajedno sa Službama socijalne zaštite Kantona Sarajevo u prostorijama Službe ili u porodici putem mobilnih posjeta;
- Administrativno rješavanje slučajeva nasilja, kao i krivično procesuiranje predmeta nasilja u suradnji sa Službama socijalne zaštite KS, PU KS, Tužilaštvom Kantona Sarajevo, Općinskim sudom i dr.

Partnerstvo i suradnja se odvija i sa institucijama i sa NVO: Ministarstvo za ljudska prava BiH, SIPA, Ministarstvo za rad, socijalnu politiku, izbjeglice i raseljena lica Kantona Sarajevo, Kantonalni centar za socijalni rad Sarajevo, Službe socijalne zaštite Kantona Sarajevo, općine Kantona Sarajevo, policijske uprave MUP-a KS, Hitna pomoć Kantona Sarajevo, "Hope and home for children", klubovi liječenih alkoholičara.

Potpisani su **Protokoli i sporazumi o suradnji** sa: Ministarstvom za ljudska prava BiH, Kantonalnim Ministarstvom za rad, socijalnu politiku, izbjeglice i raseljena lica, Ministarstvom za unutrašnje poslove Kantona Sarajevo, JU Kantonalnim Centrom za socijalni rad i Porodičnim savjetovalištem.

FINANSIRANJE

Od 2001. godine Ministarstvo za rad, socijalnu politiku, izbjeglice i raseljena lica KS potpisivanjem Ugovora o sufinansiranju boravka žrtava u Skloništu prihvatilo je FLD kao ravnopravnog partnera u rješavanju problema nasilja u Kantonu Sarajevo, čime je obezbjeđena djelimičnasamoodrživost projekta (60%).

Od 2008. godine Grad Sarajevo sufinansira Sigurnu kuću (5 %).

Od 2008. godine u djelu projekta finansiranog od strane UNHCR-a podržana je Sigurna kuća u Sarajevu, omogućivši ženama u skloništima pristup (odgovarajućoj) edukaciji u cilju njihove dokvalifikacije i prekvalifikacije, kao i zdravstvenim servisima/uslugama za lica koja nisu obuhvaćena redovnim zdravstvenim osiguranjem.

Godine 2009. potpisan je i sporazum o suradnji sa Ministarstvom za ljudska prava BiH o finansijskoj pomoći za programe osobama izloženim seksualnom nasilju.

ZBIRNI PREGLED STATISTIKE

Sigurna kuća i Sklonište za djevojke

Period oktobar 2000. - 31.12.2011.

KATEGORIJA	BROJ SMJEŠTENIH ŽRTAVA
ŽENE	447
DJECA	636
DJEVOJKE	194
UKUPNO	1277

Pregled korisnika Sigurne kuće prema mjestu boravka/općinama

Period 01.01.2011. - 31.12.2011. godine

CENTRI ZA SOCIJALNI RAD KANTONA SARAJEVO	KATEGORIJA KORISNIKA „SIGURNE KUĆE“			UKUPNO
	* ŽENE	* DJECA	* DJEVOJKE	
CSR CENTAR	5	9	0	14
CSR STARI GRAD	3	12	1	16
CSR NOVO SARAJEVO	2	1	3	6
CSR NOVI GRAD	5	7	2	14
CSR ILIDŽA	5	2	3	10
CSR VOGOŠĆA	2	2	0	4
CSR ILIJAŠ	8	10	6	24
CSR HADŽIĆI	2	2	0	4
UKUPNO (Σ)	32	45	15	92

Komentar: Svi korisnici koji su primljeni tokom 2011. godine su imali urednu suglasnost mjesno nadležne Službe socijalne zaštite Kantona Sarajevo.

Tokom 2011.godine u Sigurnoj kući smo na smještaju imali dvije korisnice strane državljanke (Kosovo).Smještajisu realizovani uz suglasnost Službe socijalne zaštite Općine Ilijaš i Općine Stari grad.

Tokom 2011. godine primljeno je dvoje djece koja nisu prijavljena na područja Kantona Sarajevo (Goražde, 14 godina i Zenica, 13 godina), zbog zlostavljanja od strane roditelja, i dvoje djece koja nisu administrativno prijavljena u matičnu knjigu rođenih.

Uporedna statistika prijema 2010. i 2011. godine

KATEGORIJA	BROJ SMJEŠTENIH KORISNIKA ZA 2010.	BROJ SMJEŠTENIH KORISNIKA ZA 2011.
ŽENE	31	32
DJECA	40	45
DJEVOJKE	21	15
UKUPNO	92	92

Iz priloženog je vidljivo da je ukategoriji žena bio jedan prijem više 2011.godine u odnosu na predhodnu. Pratimo porast broja djece za 12% , a pad broja korisnika u kategoriji djevojke za preko 30% u odnosu na predhodnu godinu.

Prema mjesnoj nadležnosti

Najveći porast broja korisnika po mjesnoj nadležnosti je sa područja Općine Ilijaš, preko 70% u odnosu na predhodnu godinu. Porast broja korisnika evidentiramo sa područja Općine Novi Grad za ukupno 40%. Došlo je do pada broja korisnika sa područja Općine Novo Sarajevo za 100%, Općine Ilidža za 90% i Općine Vogošća za 90%.

Diferencijalna statistička analiza:

Starosna struktura žena u periodu 01.01.2011. - 31.12.2011.godine

Godine starosti	Broj osoba	Postotak
18-25	5	15,63%
25-35	18	56,25%
35-45	4	12,50%
45-55	4	12,50%
55 i više	1	3,12%
Ukupno	32	100 %

Najveći broj primljenih žena bio je starosne dobi od 25 do 35 godina. To potvrđuje konstataciju da se nasilje dešava od samog početka braka i da je najintenzivnije u prvim godinama zajedničkog života. Ono što je veoma značajno istaći je razvijenost svijesti žena o nasilju u porodici. Podaci ukazuju da žene prekidaju nasilne veze i traže institucionalnu pomoć u prvim godinama braka. Dosadašnja praksa patrijarhalnoga odgoja i predrasuda (trpi i šuti, ti si kriva za nasilje, ostani uz muža po svaku cijenu...) gubi na značaju i intenzitetu.

Obrazovni nivo žena

	<i>Broj osoba</i>	<i>Postotak</i>
Stepen stručne spreme		
Bez škole	4	12,50%
Nepotpuna osmogodišnja	2	6,25%
Osmogodišnja škola	12	37,50%
Srednja stručna sprema	14	43,75%
VS	0	0,00%
VSS	0	0,00%
Ukupno	32	100 %

Najveći broj žena (43%) ima završenu srednju školu. Na osnovu dosadašnjeg iskustva i statističkih analiza uočavamo porast broja osoba sa srednjom školskom spremom. U prvim godinama rada Skloništa najveći broj žena je bio sa osnovnom školom (nepotpuna ili završena).

Zaposlenost - žene

Zaposlena	4	12,50%
Nezaposlena	28	87,50%
Ukupno	32	100 %

Ako uzmemo u obzir najveći broj korisnica po starosnoj strukturi i obrazovanju, možemo reći da je zabrinjavajući podatak nezaposlenost žena od 87,50%. Navedeni podatak ide u prilog činjenici da je ekonomsko zlostavljanje baza za ostale vrste zlostavljanja.

Starosna struktura - djeca

Starosti	Broj djece	Postotak
Do jedne godine	7	15,53%
1-5	11	24,47%
5-10	15	33,34%
10-15	9	20,00%
15-18	3	6,66%
Ukupno	45	100 %

Uočavamo da je najveći broj djece koja zajedno sa majkama dolaze u Sklonište starosne dobi između 5 i 10 godina, a što je u suglasnosti sa analizom starosne strukture žena.

Starosna struktura - djevojke

Godine starosti	Broj osoba	Postotak
12-15	1	6,66%
15-18	7	46,67%
18-20	2	13,33%
20 i više	5	33,34%
Ukupno	15	100 %

Najveći broj djevojaka (46,67%) starosne je dobi od 15 do 18. godina. Navedeni podatak upućuje na činjenicu da roditelji najčešće ne znaju adekvatno odgovoriti adolescentnim krizama djece. To je period u kojem djeca traže vlastiti identitet, nove životne uloge (sebe, svoje ja).

USPOSTAVLJENI OSTALI SERVISI ZA PREVENCIJU I ZAŠTITU OD NASILJA

1. „SOS crvena linija, telefon za žrtve nasilja“



Fondacija lokalne demokratije pokrenula je servis „SOS crvena linija, telefon za žrtve nasilja“ od juna 2004.godine. Cilj je bio da se pomoću otvorene 24-satne linije omogući prijava nasilja, kao i mogućnost intervencije u sprečavanju nasilja.

Nakon četveromjesečne edukacije 15 volontera, otvorena je SOS Crvena linija **033/222000**, telefon koji građanima, prvenstveno Kantona Sarajevo, omogućava da prijave bilo koju vrstu nasilja, ali i da dobiju adekvatne informacije na koji način pristupiti rješavanju problema nasilja, tj. kome se obratiti za daljnu pomoć. Telefon je otvoren 24 sata.

Potpisano je Uputstvo o postupanju po pozivima SOS telefona između predstavnika MUP-a Kantona Sarajevo, JU Kantonalnog Centra za socijalni rad i FLD. Na taj način uspostavljen je sistem hitne intervencije na području Kantona Sarajevo.

Dana 26.05.2008. godine na inicijativu Gender centra FBiH potpisan je Memorandum o suradnji između Gender centra FBiH i Centra za socijalni rad Jajce, „Fondacija lokalne demokratije“ - Sarajevo, „Medica Zenica“ - Zenica, Vive – žene“ - Tuzla, „Žena BiH“ - Mostar, „Žene sa Une“ - Bihać. Na ovaj način uspostavljen je, za područje Federacije, jedinstveni SOS telefon 1265. Fondacija lokalne demokratije, prema regionalnom rotiranju poziva na SOS telefon za žrtve

nasilja u porodici, preuzima pozive sa područja Kantona Sarajevo i Bosansko-podrinjskog kantona.

Statistički pregled SOS poziva
(01.01.2011. - 31.12.2011. godine)

R/b	VRSTA SOS POZIVA	BROJ POZIVA	POSTOTAK
1.	Prijava nasilja u porodici	390	61,41 %
2.	Prijava nekog drugog oblika nasilja	52	8,19 %
3.	Pravna pomoć	49	7,72 %
4.	Medicinska pomoć	7	1,10%
5.	Kombinovani oblik pomoći	17	2,68 %
6.	Informacija/Ostalo	120	18,90 %
UKUPNO:		635	100 %

Prijavu nasilja u porodici smo imali ukupno u 390 slučajeva (preko 60%), dok smo zaprimili ukupno 52 prijave drugih oblika nasilja u porodici. Ti pozivi odnosili su se na prijave nasilja od strane nepoznatih osoba, uznemiravanje, seksualno uznemiravanje, mobing i sl. Najveći broj prijave nasilja u porodici smo imali od samih žrtava nasilja, dok je manji broj prijave bio upućen od srodnika, komšija, prijatelja. Najveći broj poziva upućen je od pripadnica ženskog spola, ukupno 535 poziva, a od strane muškaraca imali smo 98 poziva, što je povećan broj u odnosu na prethodne godine. Većina poziva od strane muškaraca odnosila se na prijavu nasilja od strane supruge (psihološko zlostavljanje), prijavu nasilja djece nad roditeljima, traženje informacija o zaštiti koja se provodi nad žrtvama nasilja. Uočeno je da je većina poziva koje smo zaprimili od žrtava nasilja željelo intervenciju policije, što nije uobičajeno za prethodne godine.

Ono što posebno treba istaknuti jeste povećan broj poziva bivših korisnika Sigurne kuće, koje zovu zbog potrebnih informacija, a naročito zbog potrebe da im se i dalje pruža psiho-socijalna podrška.

ZBIRNI PREGLED SOS POZIVA ZA 2011. U ODNOSU NA 2010.

VRSTA SOS POZIVA	2010	2011
PRIJAVA NASILJA U PORODICI	460	390
DRUGIH OBLIKA NASILJA	53	52
PRAVNA POMOĆ	24	49
MEDICINSKA POMOĆ	17	7
KOMBINOVANA POMOĆ	30	17
INFORMACIJE/OSTALO	387	120
UKUPNO	971	635

KOMENTAR:

U 2011. godini smanjen je ukupan broj SOS poziva za više od 50% u odnosu na prošlu godinu.

2.MOBILNI TIM


Uspostavljenje servis od jula 2004. godine.

Nakon provedene edukacije namijenjene zaposlenima u Centrima za socijalni rad, projektom se formira Mobilni tim (M.T.) sastavljen od dva predstavnika FLD i jednog predstavnika nadležnog Centra za socijalni rad. Potpisan je Protokol o suradnji između JU Kantonalnog Centra za socijalni rad Sarajevo i Fondacije lokalne demokratije o međusobnoj suradnji u radu Mobilnog tima.

Cilj formiranja Mobilnog tima su direktne posjete porodicama bivših korisnika/ca Skloništa u svrhu praćenja stanja u porodici. Na ovaj način, putem terapijskog rada sa porodicom, uključujući i nasilnika, prevenira se ponovno nasilje i njegovo multipliciranje u zajednicu.

U okviru ovog servisa, od 2008. godine uspostavljeni su supervizorski sastanci sa psiholozima Službi socijalne zaštite Kantona Sarajevo. Sastanci se održavaju jedanput mjesečno u trajanju od tri sata, a predvodi ih prim. dr. Emina Kapetanović-Bunar, spec. neuropsihijatrica, u prostorijama Sigurne kuće. Na sastancima se, pored ličnog rada, govori i o trenutno smještenim korisnicama, te se razmatraju i planiraju posjete bivšim korisnicama.

U toku 2011. godine Opština Centar je finansijski podržala rad Mobilnog tima, te je realizovano 12 mobilnih posjeta bivšim korisnicama Sigurne kuće. Prilikom posjeta porodicama je uručen paket hrane i higijenskih potrepština.



Rad volontera u Sigurnoj kući

U 2011.godini u Sigurnoj kućiji u volonterskom radu učestvovalo 8 volonterki. Njih sedam su studentice Fakulteta političkih nauka u Sarajevu, Odsjek za socijalni rad: Aida Dautović, Lejla Gojak, Amra Dulić, Samra Ajanović, Belinda Emraj, Šejla Krupalo i Anela Fazlić, a jedna volonterka, Nedima Džaferagić je studentica Filozofskog fakulteta u Sarajevu, Odsjek za psihologiju.

Njihov volonterski angažman se sastojao od rada sa djecom jednom sedmično u trajanju od dva do tri sata. Volonterke su realizovale aktivnosti sa djecom u cilju da ista prebrode stres i oporave se od traume.

Veliki dio volonterskog rada je bio posvećen pružanju pomoći djeci prilikom izrade domaćih zadataka i uvježbavanju školskog gradiva.

Rad volonterki je kod djece poboljšao proces učenja i sticanja vještina u savladavanju stresa, prepoznavanju nasilničkog ponašanja i nenasilnog rješavanja sukoba. Realizovane aktivnosti su djeci omogućile da sami sebi pomognu i da nauče da brinu o sebi na najbolji mogući način.

Studenti FPN koji su obavljali praksu u Sigurnoj kući

U 2011.godini u cilju praktične primjene stečenih znanja za vrijeme studija, četiri studentice Fakulteta političkih nauka Odsjeka za socijalni rad, obavljale su praksu u Sigurnoj kući, mentorica (Mubera Hodžić-Lemeš). U skloništu su provele ukupno četrnaest radnih dana (Bolonjski sistem).



Naziv projekta: „ZELENA LINIJA”

Donator: Populacijski fond Ujedinjenih nacija – UNFPA



Period implementacije: 01.01. - 31.12.2011. godine – nastavak projekta

Potrebe za projektom:

Fondacija lokalne demokratije već šestu godinu uspješno implementira projekt kojim se inicira uspostavljanje osnova za dobivanje relevantnih podataka i inputa o seksualnim i reproduktivnim pravima, pravu na život bez nasilja i diskriminacije na osnovu spola, koji mogu pomoći u definiranju neophodnih relevantnih statističkih praćenja u BiH. Kroz višegodišnju implementaciju ovog projekta uočena je jasna potreba za jačanjem mladih ljudi BiH u borbi protiv nasilja u porodici, te nasilja u adolescentskim vezama, kroz rad sa mladima.

Podprojekt - realizacija predstave "Nasilje". U periodu od dva mjeseca (novembar-decembar 2011. godine), predstava „Nasilje“ autora i redatelja Zijaha A. Sokolovića, pod pokroviteljstvom UN agencija (UN, MDGF, UNDP, UNFPA, UN Women,) EU i NATO u BiH, koju je realizovala Fondacija lokalne demokratije Sarajevo u suradnji sa četiri (4) sarajevska glumca/ice, izvedena je ukupno pedeset (50) puta za učenike/ce osnovnih i srednjih škola. Sedam (7) predstava je realizovano u Hercegovačko-neretvanskom kantonu-Mostar, deset (10) u Republici Srpskoj- Banja Luka i trideset tri (33) predstave u Kantonu Sarajevo.

Aktivnosti projekta

- Redovno ažuriranje SGBV baze podataka i Rad Zelene linije
- Kreiranje interaktivnog Web portala „Zelena linija“
- Kreiranje i distribucija kratkog filma/video klipa o problemu nasilja među i nad mladima
- Deset radionica interaktivnih za učenike osnovnih i srednjih škola
- Medijska promocija „Zelene linije“ (u printanim i elektronskim medijima)
- Kreacija, štampanje i distribucija promotivnog materijala „Zelene linije“

Korisnici

717 korisnika usluga - traženje informacija i pomoći putem telefona ili direktnim kontaktom sa operaterkama Zelene linije.

U 2011. godini na „Zelenu liniju“ je upućeno 717 (muškaraca 143 i žena 574) poziva od strane građana/ki, vezano za problematiku koja je obuhvaćena samim projektom. Preko 55 upita je upućeno na web strani „Zelene linije“ od mladih osoba (adolescenata/kinja). Učenici/ce je populacija mladih koji su takođe obuhvaćeni projektom „Zelena linija“ – preko 50 učenika/ca su koristili naše usluge informisanja, savjetovanja i posjećivali nas u kancelarijama.

Rezultati projekta

Od ukupnog broja poziva (717) upućenih na „Zelenu liniju“ (muškaraca 143 i žena 574) koji su se odnosili na različite oblike nasilja u porodici, 308 poziva, odnosno 43% od ukupnog broja poziva (51% se odnosio na fizičko nasilje, 29% na psihičko nasilje, 17% na ekonomsko nasilje, 2% na seksualno nasilje i 2% na zanemarivanje djece), a ostali pozivi su se odnosili na diskriminaciju na osnovu spola, seksualna i reproduktivna prava, te socijalnu skrb i pravnu

pomoć i iznose 24% od ukupnog broja poziva, s tim da 14% od tog broja se odnosi na pravnu pomoć koja je bila potrebna zainteresovanim građanima/kama. Upoređujući analizu „Zelene linije“ tj. broj poziva iz 2010. godinu sa ovom analizom, možemo primjetiti da je nastalo uvećanje od čak 171%, što je razumljivo s obzirom da smo u 2010. godini startali sa radom tek u šestom mjesecu. Interaktivna web stranica „Zelene linije“ je otvorena i non-stop na raspolaganju zainteresovanim za pitanja i odgovore koje mogu dobiti putem iste. Preko 55 upita je upućeno na web strani „Zelene linije“ od strane mladih osoba (adolescenata/kinja). Prema projektu je trebalo realizovati 10 radionica za učenike/ce osnovnih i srednjih škola, ali na molbu direktora, te pedagoga pojedinih škola, izašli smo u susret i realizovano je i dodatnih pet radionica. Konstantno se radilo sa učenicima/cama koji rade na projektu „Građanin“ i obrađuju tematike koje su vezana za nasilje(nasilje u porodici, nasilje u vezi, vršnjačko nasilje...) što je rezultiralo njihovim dobrim upoznavanjem sa ovom tematikom, produbljivanjem postojećih znanja, te mogućnosti prenosa znanja i vještina među svoje vršnjake/inje. Takođe je preko 500 učenika/ca obuhvaćeno edukacijom u svojim školama na temu „Nasilje u adolescentskim vezama“ - pogledali su i film koji je kreiran kao vizuelni dio prikazivanja problema i kao dio radionice predstavlja efektno sredstvo da mladi uvide i prepoznaju koji su sve oblici nasilja – jer neki su tek nakon odgledanog filma shvatili da su imali sličnih problema, ali da to nisu prepoznali kao nasilje.



Partneri u projektu

TNT Radio – Travnik je prepoznao važnost projekta s ciljem da se slušatelji/ke koji prate njihov program upoznaju sa istim – stoga su kreirali i dingl koji se svakodnevno emitirao na njihovoj radijskoj frekvenciji informišući na taj način građane/ke iz te lokalne zajednici kome da se obrate za pomoć u okviru usluga koje pruža ovaj telefon.



Naziv projekta: POMOĆ ŽENAMA ŽRTVAMA NASILJA U PORODICI, TRGOVINE LJUDIMA I ŽENAMA ŽRTVAMA RATA”

Donator: UNHCR



1. Period implementacije: 01.01.2011. - 31.12.2011.

Potrebe za projektom:

Petu godinu zaredom Fondacija lokalne demokratije projektom osigurava pomoć ženama koje su raseljenice, izbjeglice ili povratnice, te žrtve nasilja u porodici, trgovine, ali i žrtve rata. Projekt pokušava pomoći u onim segmentima koji su nedostavno pokriveni od strane institucija sistema i društva poput: omogućavanja pristupa zdravstvenim servisima korisnicima koje nisu zdravstveno osigurane, dodatna neophodna pomoć u adekvatnom funkcioniranju Sigurne kuće u Sarajevu, osiguranje ekonomske samostalnosti ove ciljane grupe kroz dokvalifikacije i prekvalifikacije u tražena zanimanja i vještine, te kroz započinjanje malih biznisa (samoprivredivanje) koji istim omogućavaju ekonomsku neovisnost.

Aktivnosti projekta

- Obezbjedenje zdravstvenih uvjeta i usluga
Omogućavanje pristupa medicinskom liječenju/pregledu korisnica Skloništa u Sarajevu, nabavka neophodnih lijekova
- Nabavka sanitetskog materijala, te osnovne odjeće/obuće za korisnike Skloništa
- Edukacija
(Obezbjedenje institucionalne ili neinstitucionalne ali certificirane, te priznate edukacije za sve korisnike Skloništa, ali i ostale identifikovane korisnice projekta, u skladu sa njihovim mogućnostima i potrebama.)
- Samoprivredivanje/ekonomska samostalnost u cilju započinjanja malih biznisa, kroz podršku uspješnim projektima koje podnesu žene koje su žrtve nasilja u porodici, trgovine ili žrtve rata, sa statusom raseljenih lica izbjeglica ili povratnica

Korisnici

U 2011.godini imali smo direktno uključeno stotinusedamdesettri (173) korisnice/ka projekta.

Rezultati projekta

U 2011. godini u projekt ekonomsko osnaživanje imali smo ukupno stotinuevetnaest (119) korisnica/ka, što je u odnosu na 2010. godinu povećan broj za 21 korisnicu. Omogućeno je da dvadeset (20) žena žrtava rata u Goraždu dobiju redovan mjesečni neuropsihijatrijski tretman. (Redovnim odlaskom neuropsihijatru jasno se vidi poboljšanje psiho-fizičkog stanja kod žena.) Omogućeno je da deset (10) korisnica Skloništa dobiju adekvatnu i dodatnu zdravstvenu zaštitu (pregledima i odgovarajućim tretmanima), te sve korisnice Skloništa medicinske lijekove (redovno mjesečno). Vršena je redovna mjesečna nabavka sanitetskog materijala, osnovne odjeće/obuće za korisnike Skloništa. Jedna (1) korisnica Skloništa za žrtve nasilja je upisala (do)školovanje, odnosno vanredno polaganje IV razreda Srednje tekstilne škole u Sarajevu, a jedna (1) korisnica je upisana na II godinu Šumarskoga fakulteta. Tridesetčetiri (34) korisnice upisale su certificirane kurseve koji im mogu pomoći u budućem osamostaljenju (kurs engleskog jezika i kurs informatike). Pedesettri (53) korisnice koje su bile žrtve nasilja u porodici, trgovine ili rata sa statusom raseljenih, izbjeglih, povratnica i domicilnih lica, dobilo je mogućnost za samoprivredivanje na osnovu njihovih kapaciteta i mogućnosti. Njih devetnaest (19) se odlučilo za plastenik i uzgoj povrća, devet (9) ih se odlučilo za ručnu frezu za freziranje zemlje, osam (8) ih se odlučilo za uzgoj krave sa sijenom, pet (5) ih se odlučilo za usluge krojenja i šivenja tj. za šivaću mašinu, pet (5) za mobilnu frizersku opremu, četiri (4) su se odlučile započeti vlastiti biznis sa profesionalnim aparatom za čišćenje - Karcher mašinom, jedna (1) se odlučila za potopnu pumpu za voćnjak, jedna (1) za uzgoj ovaca i jedna (1) za mašinu za štampanje slika na majice, čaše, pepeljare itd.

Na osnovu navedenih podataka pratimo blagi porast korisnica u income-u, uzmemo li u obzir da smo u 2010. godini imali 43 korisnice, dok u 2011. godini imamo 53 korisnice koje smo ekonomski osnažili.

Partneri u projektu

Žene žrtve rata – Goražde; Udruženje logoraša FBiH (Sumeja-Potoci), Mramorje - Konjević polje, Goražde), Udruženje logoraša R. Srpske – Višegrad, JU Centar za socijalni rad, Medica – Zenica, Vive žene – Tuzla, Udružene žene – Banja Luka, Žene BiH – Mostar.



Naziv projekta: „Centar za besplatnu pravnu pomoć ženama”

Donator: Kraljevina Nizozemska, Ministarstvo za razvoj suradnje/Kingdom of the Netherlands, Ministry for Development Cooperation



Kingdom of the Netherlands

Period implementacije:

– 14.10.2011.

Potrebe za projektom:

Socijalno isključene kategorije poput samohranih majki, žena žrtava nasilja u porodici, žrtava trgovine, kao i žene žrtve rata, gurnute su na marginu socijalne i ekonomske egzistencije. Zakon, kao i cjelokupno ekonomsko i socijalno okruženje je nedovoljno razvijeno, te su ove kategorije prepuštene sebi. Sa nedostatkom znanja, informacija o pravima koje mogu ostvariti, te sa posljedicama trauma i diskriminacija, ove žene nisu u prilici ostvariti svoja prava koja im

zakonski pripadaju. Tako ove žene bivaju ponovidiskriminirane i gurnute na sami rub društva. Istraživanja Kancelarije za ljudska prava u Tuzli i Helsinškog komiteta Banje Luke su ukazala da je 47% samohranih majkinezaposleno, a 42% ih je povremeno na rubu gladi. SOS crvena linija telefon kojeg vodi FLD je od 2004. do 2009. godine zabilježio 509 poziva osoba koje su tražile pravnu pomoć. Ni same nevladine organizacije nisu fokusirane na ovu temu kao ni na ovu ciljanu skupinu. Pomoć ovoj kategoriji do sada je ovisila samo o dobroj volji pojedinaca koji su iskazali želju da im pomognu (prijatelji Skloništa za žene i djecu žrtve nasilja u porodici, prijatelji Udruženja „Žene žrtve rata“, itd.), ali to nije bilo transparentno, javno promovirano, te organizovano na način da bude vidljivo i dostupno ovim ženama koje su ciljana skupina projekta.

Aktivnosti projekta

- Formiranje Mobilnog pravnog tima sastavljenog od dva pravnika sa mogućnošću angažovanja advokata za zastupanje na sudu
- Otvaranje Centra za besplatnu pravnu pomoć ženama na način da će se pružati besplatno savjetovanje, kao i praktična pomoć u ostvarivanju određenih prava korisnica Centra. Mobilni pravni tim će pružati svoju pomoć ne samo u Centru već po čitavoj BH u suradnji sa članicama Sigurne mreže – mreže NVO koje se bave problemom nasilja u porodici
- Analiza zakonske regulative u BiH će biti kreirana, štampana, distribuirana i objavljena na web-u kao osnova za dalji efikasna rad svih zainteresovanih
- Pravni vodič će biti kreiran i štampan da bi olakšao ciljanoj skupini mogućnost i načine ostvarivanja svojih prava
- Unapređenje znanja zaposlenim u Sigurnim kućama o pružanju osnovne pravne pomoći kroz realizaciju treninga za iste, ali i distribuciju kreiranih materijala (Analize zakonodavstva)
- Potpisani protokoli o suradnji sa predstavnicima relevantnih institucija sistema što će biti urađeno u skladu sa strategijom unapređenja partnerstva između NVO - VO koju razvije Sigurna mreža
- Medijska kampanja i lobiranje Sigurne mreže za usvajanje zakona o besplatnoj pravnoj pomoći u BiH

Korisnici

Žene – žrtve nasilja u porodici, trgovine, rata i NVO članica Sigurne mreže čija je misija unapređenje i zaštita ljudskih prava ciljane grupe.

Rezultati projekta

- Stvoren servis za direktnu pomoć u ostvarivanju traženih prava korisnica projekta (Centar za besplatnu pravnu pomoć ženama i Mobilni pravni tim i izrada i distribucija Pravnog vodiča;
- Promoviranje prava ciljane grupe na način da se zadovolje njihove potrebe za pravnom pomoći i socijalnom inkluzijom kroz Analizu zakonodavstva u Bosni i Hercegovini;
- Ojačani kapaciteti NVO koje vode Skloništa za žene žrtve nasilja u porodici, a koje su članice Sigurne mreže, na način da im se omogući usvajanje osnova za pružanje pravne pomoći ciljanoj populaciji, kroz realizaciju dvodnevnog treninga za zaposlenike svih 7 Sigurnih kuća;

- Utemeljena suradnja sa relevantnim institucijama sistema (Ministarstvo za ljudska prava BiH, Ombudsmeni BiH, itd.) i jačanje uloge Sigurne mreže u unapređenju prava ovih žena, te u lobiranju za usvajanje zakona o besplatnoj pravnoj pomoći od strane države;
- Potpisan Protokol o suradnji sa Ministarstvom za ljudska prava i izbjeglice Bosne i Hercegovine, kojim je uspostavljena suradnja za zajedničko djelovanje razvoja sistema besplatne pravne pomoći u BiH.

Partneri u projektu: UG Žene sa Une – Bihać, UG Udružene žene Banja Luka, UG Žena BIH – Mostar, UG VIVA žene – Tuzla, UG Medica Zenica, UG Žene žrtve rata.



Naziv projekta „NASILJE NIJE MOJ IZBOR”

Donator:



Projekt finansira
Evropska unija

Ministarstvo pravde

*Empowered lives.
Resilient nations.*



Grad Sarajevo
City of Sarajevo

Period implementacije: 01.08.2011. - 01.02.2011.

Potrebe za projektom:

Nasilje među djecom ne prepoznaje se kao problem od strane odrasle osobe koja dolazi u kontakt sa djecom (roditelji, policajci, nastavnici, pedagozi, vaspitači, socijalni radnici, zdravstveni radnici i ostali). Na osnovu raspoloživih podataka o nasilju nad djecom (Inicijalni izvještaj o nasilju nad djecom u Bosni i Hercegovini), došlo se do zaključka, kako djeca, ali i njihovi nastavnici i profesori, pa i roditelji, nisu educirani, prvenstveno o pojmovima nasilja i zlostavljanja, a potom ni o pravima žrtava. Roditelji nisu dovoljno senzibilizirani, ne posvećuju dovoljno vremena odgoju i razgovoru sa svojom djecom, a obrazovni sistem je trenutno u procesu reformi i škole nisu u stanju da odgovore rastućim brojnim problemima jer ne postoji organizovana i institucionalna edukacija o ovom problemu. Najbolji način da se zaustavi nasilje nad djecom i među djecom je prevencija samoga nasilja. Neophodno je raditi na edukaciji rizičnih grupa i pojedinaca o mogućnostima nasilja, načinu izbjegavanja opasnosti i traženja podrške i pomoći, kao i javnoj promociji problema nasilja među djecom kao rastućeg oblika destrukcije porodice. Ovo naročito prikazujući novije, manje poznate forme nasilja, poput nasilja na internetu.

Aktivnosti projekta:

- Kreiranje, snimanje i distribuiranje promotivnog filma/videoa o nasilju na internetu i među/nad mladima
- Edukativne radionice (U 5 odabranih osnovnih i 5 srednjih škola na području Grada Sarajeva, uz korištenje kreiranog edukativnog filma /DVD.)
- Medijska promocija filma i projekta
- Evaluacija projektnih aktivnosti

Korisnici

300 učenika osnovnih i srednjih škola na općinama Grada Sarajeva, 26 osoba iz istih škola – stručnog kadra (nastavnika, pedagoga, psihologa) koji naučene vještine mogu prenositi dalje.

Rezultati projekta

Kako je i predviđeno, razvio se scenario i snimio kratki film koji prikazuje scene nasilja putem internet među mladima sa jasnim porukama kako postupiti kada je u pitanju ovo nasilje.

Također su uspješno realizovane radionice koje su imale za cilj da informišu djecu, ali i nastavnike, o svim vrstama nasilja, posebice ovom modernom putem FB, te da im ponudi informacije i rješenja kako reagovati na uočeni problem. Radionice su premašile predviđanja u smislu da je bilo predviđeno da će 200 učenika biti educirano kroz radionice, a projektom ih se obuhvatilo 300, te da je projektom bilo predviđeno 10 nastavnika a obuhvaćeno na kraju njih 26 (nastavnika, pedagoga, psihologa, dakle stručnog kadra koji naučene vještine može prenositi dalje).

Film se dijelio po školama uključenim u realizaciju projekta, ali i drugim školama na njihov zahtjev. Pored toga, interes za film su pokazale i druge NVO, mreže NVO, te portali poput: www.ostonakas.com.ba (29.12.2011.), <http://efm.ba/2011/11/29/nasilje-nije-moj-izbor/>. Poslana su i saopštenja za medije sa ciljem informisanja javnosti o ovom projektu i filmu, te su sljedeće medijske kuće objavile informacije o projektu: Oslobođenje, eFMStudentski radio, itd.

Partneri u projektu: Prosvjetno pedagoški zavod Kantona Sarajevo, Grad Sarajevo.



Projekat se realizuje u sklopu UNDP-ovog projekta:
«Jačanje lokalne demokratije/demokracije II - LOD II» kojeg finansira
Evropska unija u iznosu od 1,5 miliona eura»



Projekat finansira
Evropska Unija



Ministarstvo pravde
Bosne i Hercegovine



Empowered lives.
Resilient nations.



Grad Sarajevo

Naziv projekta: „Grad Sarajevo - Sigurna zajednica“

Donator:



Projekt finansira
Evropska unija

Ministarstvo pravde

*Empoweredlives.
Resilientnations.*



Grad Sarajevo
City of Sarajevo

Period implementacije: 01.08.2011. - 17.03.2012.

Potrebe za projektom:

Kao i svako savremeno društvo, posebice društvo u tranziciji, i Grad Sarajevo sve više karakterizira nesigurnost. Pravno, ekonomsko, socijalno okruženje koje definiše i određuje mogućnosti ostvarivanja osnovnih životnih potreba građana Sarajeva na život bez nasilja su slabo razvijeni, nedovoljni i ne pružaju adekvatnu zaštitu. Relevantni akteri društva nisu prepoznali, niti su do sad bili angažovani na istraživanju veze između lične sigurnosti u lokalnoj zajednici i nasilja izazvanog urbanim okruženjem, na promociju nenasilja nad ženama, posebice djevojkama, u stvaranju sigurne lokalne zajednice.

Kao rezultat toga, ne postoje programi i projekti koje mogu doprinijeti efikasnijoj borbi protiv ovog problema na način da se poštuje pravo žena, posebice djevojaka, na dignitet, slobodu kretanja, ličnu sigurnost, kao i pravo na život bez nasilja u svakodnevnom životu. Ne postoje programi urbane prevencije nasilja nad ženama i djevojkama, prilagođene uvjetima lokalne zajednice, što rezultira povećanjem nasilja nad njima, te povećanjem nasilja generalno, a posebice nasilja u porodici.

Aktivnosti projekta:

- Analiza sigurnosne situacije u Općini Novi Grad
- Anketiranje
- Kreiranje i štampanje Analize stanja sigurnosti
- Kreiranje Mape „Kritičnih tačaka Općine Novi Grad“
- Okrugli stol: Prezentacija Mape predstavnicima lokalnih vlasti i civilnog društva Općine Novi Grad
- Postavljanje Mape na javna mjesta
- Transfer znanja
- Evaluacija i medijska promocija projekta

Korisnici

Žene, posebice djevojke koje rade, školuju se, izlaze ili žive/stanuju na području Općine Novi Grad. (Anketiranjem će biti obuhvaćeno 200 djevojaka/žena.)

Predstavnici relevantnih institucija sistema/lokalnih vlasti (Služba za oblast prostornog uređenja i urbanizma, Služba za inspekcijske poslove, Služba civilne zaštite, te Služba za stambene i komunalne poslove, poslove obnove i zaštite okoliša, Zavod za planiranje Kantona Sarajevo, Zavod za javno zdravstvo Kantona Sarajevo, PU Novi Grad, MUP Kantona Sarajevo, CSR Novi Grad, škole sa područja Općine Novi Grad, itd.), kao i predstavnici civilnog društva sa ove, ali i drugih općina Grada Sarajeva.

Krajnji korisnici projekta su i svi građani i građanke Grada Sarajeva koji će se u odabranoj općini osjećati sigurno, bez obzira da li na noj žive/rade ili samo prolaze kroz nju. Njihov broj se procjenjuje na 90.000.

Rezultati projekta

Predloženi projekt će u konačnom rezultirati:

- Dobivanjem, po prvi puta, podataka o nasilju nad ženama, posebice djevojkama sa aspekta uticaja okruženja na nasilje nad djevojkama. Postojat će, po prvi puta, 150 komada odštampane i podijeljene Analize stanja sigurnosti u općini Novi Grad sa aspekta nasilja nad ženama, posebice djevojkama, ali i Analiza stanja sa aspekta sigurnosti sa stanovništva zvaničnih institucija;
- Postojat će Mapa „Kritičnih tačaka Općine Novi Grad“ sa jasno identifikovanim i opisanim „kritičnim tačkama“ na kartama prostornog plana Općine Novi Grad, što će biti osnova za konkretne aktivnosti koje vode ka unapređenju tih tačaka, ali i za kreiranje programa te predviđanje projekata/aktivnosti koje će prevladati ove opasne tačke na kojima je uočeno najviše nasilja;
- Ojačanim kapacitetima 30 predstavnika lokalne vlasti, ali i civilnog društva ove općine o načinima i mogućnostima svoga djelovanja sa ciljem unapređenja urbanog okruženja, te smanjenja nasilja nad ženama, posebice djevojkama;
- Većimstepenom sigurnosti građana, posebno osjetljivih grupa, kao što su djeca (djevojčice), kao i osobe potencijalne žrtve nasilja;
- Dignutom svijješću stanovnika ove općine, ali i šire (Grada Sarajeva), o mogućnostima i načinima pretvaranja Općine Novi Grad u sigurnu zajednicu.

Partneri u projektu: Općina Novi Grad



Naziv projekta: „Rad sa nasilnikom – grupe samopomoći”

Donator:



Period implementacije: 01.01.2011. - 30.06.2011.

Potrebe za projektom:

Vodeći Sklonište za žene i djecu žrtve nasilja u porodici već 10 godina, FLD je uvidjela da uzrok

problema – nasilnik, ne smije ostati po strani već da mora postati aktivni sudionik u procesu borbe i prevencije daljnjeg nasilja u porodici. Naime, tokom svog rada Sklonište za žene i djecu žrtve nasilja u porodici je zabilježilo da 25 žena biva recidiv tj. vraća se ponovo u Sklonište iz razloga što nije bilo terapijskog rada sa počiniteljima nasilja. Statistika Skloništa ukazuje da se 70% žena nakon boravka u Skloništu vraća suprugu/nasilniku, te da 75% nasilnika, čije su žene bile smještene u Skloništu za žrtve nasilja, ima problem sa pretjeranim konzumiranjem alkohola (alkoholičari), a da 25% njih ima PTSP (osobe koje nisu nikada potražile pomoć niti bile stručno tretirane, kako navode Službe socijalne pomoći Kantona Sarajevo).

Istovremeno, iskustva FLD u dugogodišnjim radom sa žrtvama nasilja u porodici, ukazala su da je jedini uspješan način rada sa žrtvama nasilja kroz koordinirano i sistematsko djelovanje senzibiliziranih i educiranih uposlenih u nadležnih ministarstva i službi s jedne i NVO-a sa druge strane.

Stoga je implementirani projekt imao za cilj uspostaviti upravo ove principe djelovanja osnažujući partnerstvo FLD sa JU Centrom za socijalni rad i na ovom, novom/inovativnom polju na način da se razvijaju institucionalni mehanizmi koji će potom sami usvojena saznanja i partnerstva primjenjivati kao svoj budući trajni model rada.

Aktivnosti projekta:

- Pripremne aktivnosti, (definisanje plana rada – edukacija, te ostalih relevantnih aktivnosti)
- Ukupno četiri edukacije za zaposlene u Centrima za socijalni rad
- Formiranje grupa samopomoći – rad sa nasilnikom
- Održavanje grupa samopomoći. U toku 5 mjeseci ukupno 16 grupa samopomoći
- Organizovanje jednog okruglog stola sa Gender Centrom FBiH o ulozi i važnosti rada sa nasilnikom, ali i multidisciplinarnog pristupa problemu nasilja u porodici
- Medijska promocija projekta (kroz objavljivanje informacija o projektu u medijima – pisanim i elektronskim)
- Evaluacija rezultata rada sa nasilnikom, te ojačane mreže sistema koji interveniše u kriznim situacijama porodičnog nasilja

Korisnici

- Uposlenici centara za socijalni rad,
- Uposlenici Sigurne kuće,
- Osobe koje su vršile nasilje,
- Žene i djeca žrtve nasilja u porodici.

Rezultati projekta

- Unaprijeđena su znanja zaposlenih u službama socijalne zaštite o novim metodama rada u radu sa žrtvama nasilja u porodici kroz rad sa nasilnikom;
- Podignuta je svijest o važnosti multidisciplinarnog pristupa problemu nasilja u porodici;
- Uvedene su nove metoda zaštite i borbe protiv nasilja u porodici kroz rad sa nasilnikom i vođenje grupa samopomoći;
- U toku 5 mjeseci ukupno je organizovano 16 grupa samopomoći.

Partneri u projektu: JU Centar za socijalni rad



CENTAR ZA PRAVNU POMOĆ

IZVJEŠTAJ O RADU ZA 2011. GODINU (01.01.2011. - 31.12.2011.)

1. STATUTARNI CILJ:

Putem Centra za pravnu pomoć ženama (žrtve nasilja u porodici, samohrane majke, žene žrtve rata, žene na socijalnoj margini, žene žrtve trgovine ljudima) Fondacija lokalne demokratije djeluje i sprovodi aktivnosti na ispunjavanju statutarnih ciljeva br. 1. , 2. i 6.

2. DONATOR

FLD je u okviru sektora besplatne pravne pomoći za žene dobila podršku za četiri (4) projekta od strane stranih donatora, tako da su u periodu 01.01.2011. do 31.12.2011. godine implementirana uspješno dva projekta, a dva sui dalje u toku implementacije.

Donatori koji su finansijski podržali projekte besplatne pravne pomoći ženama su:

1. USAID – JSDP II – Američka agencija za međunarodni razvoj- Razvoj sektora pravosuđa



Naziv projekta Centar za besplatnu pravnu pomoć ženama

Period implementacije: 20.08.2010.-30.03.2011. (USAID JSDP II)

Cilj projekta je promocija i zaštita prava ranjivih i marginaliziranih grupa omogućavanjem pristupa pravu i pravdi kroz formiranje besplatnog Centra za pravnu pomoć ženama Kantona Sarajevo.

Potrebe za projektom

Opće nepovoljno stanje u državi za marginalizirane grupe (ekonomsko i socijalno), nepostojanje servisa besplatne pravne pomoći namijenjenog ženama za ostvarivanje egzistencijalnih prava, skupi troškovi postupka i stručnih punomoćnika, nametnuli su potrebu za organiziranjem takvog servisa koji bi obuhvatio sve dostupne usluge besplatne pravne pomoći (pravno savjetovanje,

sastavljanje podnesaka pred sudskim i upravnim organima, zastupanje pred sudovima i organima uprave, edukacije i jačanje znanja korisnica putem publikacija).

Zadovoljavanje potreba korisnica za besplatnom pravnom pomoći FLD je omogućio kroz Centar za besplatnu pravnu pomoć, a koji je namijenjen da potpuno besplatno pruži stručnu, adekvatnu i kvalitetnu pravnu pomoć najugroženijim kategorijama žena: - žrtve nasilja u porodici, samohrane majke, žene žrtve rata, žene na socijalnoj margini, žene žrtve trgovine ljudima.

Aktivnosti:

- Rad kancelarije za pravnu pomoć- usluge besplatne pravne pomoći(besplatno pravno savjetovanje, pisanje podnesaka i zastupanje na sudu)
- Predstavljanje savremenih pristupa pravu i pravdi ranjivih i marginaliziranih grupa žena

U okviru ove aktivnosti realizirali smo niz okruglih stolova i sastanaka koji su imali za cilj promociju Centra za pravnu pomoć FLD, uspostavljanje suradnje sa institucijama sistema i drugim potencijalnim akterima u sistemu besplatne pravne pomoći, kao i analize mogućnosti razvoja novog sistema mreže usluga uz zajedničku suradnju NVO i institucija sistema.

Rezultati:

- Obezbijedena besplatna pravna pomoć za ranjive grupe žena na Kantonu Sarajevo;
- Realizacija 2 okrugla stola i 23 sastanka sa predstavnicima NVO i institucija sistema;
- Uspostavljena suradnja sa institucijama sistema i NVO koji su direktno uključeni u sistem zaštite marginaliziranih grupa.



2.Naziv projekta Zagovaranje za bolju implementaciju Zakona o zaštiti od nasilja u porodici

Period implementacije: 01.09.2011.-30.03.2012. (USAID JSDP II)

Cilj projekta: Povećati primjenu zaštitnih mjera kao mehanizma zaštite žrtava nasilja u porodici propisanog Zakonom o zabrani nasilja u porodici FBiH kroz zagovaranje.

Aktivnosti:

Rad Centra za besplatnu pravnu pomoć ženama

- Centar za pravnu pomoć - rad kancelarije za besplatnu pravnu pomoć (Indikator uspjeha: 300 besplatnih savjeta)
- Analiza stanja primjenu zaštitnih mjera
- Okrugli stol sa svim učesnicima – prezentacije Analize trenutnog stanja – diskusija, preporuke, smjernice
- Edukacije: jedna edukacija za predstavnike policijskih uprava i druga edukacija za socijalne službe
- Medijska kampanja s ciljem povećanja svijesti javnosti o mehanizmima zaštite – flajer koji će se distribuirati i tokom navedenih projektnih aktivnosti

Rezultati:

- Izvršena analiza primjene zaštitnih mjera uz preporuke za bolju implementaciju Zakona;
- Održan Okrugli stol;
- Održana dvodnevna edukacije za zaposlene u centrima za socijalni rad, policiji, sudovima, tužilaštvima iz federacije BIH uz učešće 40 osoba.



Donator UNDP – Razvojni program Ujedinjenih Nacija



Naziv projekta: Jačanje sistema besplatne pravne pomoći u Kantonu Sarajevo

Period implementacije: 15.10.2011.-15.04.2012.

Cilj projekta: Jačanje sistema besplatne pravne pomoći u Kantonu Sarajevo kroz uspostavljanje mreže pružatelja besplatne pravne pomoći.

Aktivnosti:

- Uspostava mreže Pružatelja besplatne pravne pomoći u Kantonu Sarajevo

Ova aktivnost je omogućila uspostavljanje suradnje sa svim Općinskim službama besplatne pravne pomoći u Kantonu Sarajevo. Uspostava suradnje omogućena je kroz neformalno umrežavanje pružatelja besplatne pravne pomoći na području KS sa ciljem razmjene informacija, koordinacije u radu na pružanju usluga BPP, razmjene iskustava i znanja. U okviru ove aktivnosti kreiran je Registar pružatelja BPP koji sadržava podatke svih pružatelja BPP i KS.

- Jačanje kapaciteta Općinskih službi besplatne pravne pomoć i kroz stručne edukacije

Rezultati:

-Realizovana dva okrugla stola za uspostavljanje suradnje sa devet pružatelja besplatne pravne pomoći;

-Uspostavljena neformalna mreža devet (9) pružatelja besplatne pravne pomoći u Kantonu Sarajevo;

-Kreiran, lektoriran, dizajniran i odštampan Registar pružatelja besplatne pravne pomoći u tiražu od 1000 kopija. Registar ima za cilj da uputi krajnjeg korisnika na onog pružatelja koji može najadekvatnije odgovoriti njegovoj potrebi, dok samim pružateljima olakša rad kroz dostupnu informaciju o drugim pružateljima BPP;

-Uspostavljena suradnja sa Službama socijalne zaštite i ojačani kapaciteti istih na način da FLD preko Centra za pravnu pomoć pruža usluge besplatne pravne pomoći njihovim korisnicama;

- Ojačani kadrovski kapaciteti pružatelja besplatne pravne pomoći na području Kantona Sarajevo kroz realizaciju dvije stručne edukacije.

Partneri: Osam (8) Općinskih službi besplatne pravne pomoći u Kantonu Sarajevo

7. KORISNICI

Za period 01.01.2011.-31.12.2011.godine Centar za pravnu pomoć ženama imao je direktnih korisnica ukupno 1183.

Prema kategoriji direktnih korisnica:

Žrtve nasilja u porodici: 345 Kanton Sarajevo; 63 iz ostalih mjesta u BIH
Žene na socijalnoj margini: 502 Kanton Sarajevo; 20 iz ostalih mjesta u BIH
Žene žrtve rata: 41 Kanton Sarajevo; 2 iz ostalih mjesta u BIH
Samohrane majke: 295 Kanton Sarajevo; 22 iz ostalih mjesta u BIH
(Mobilni tim: 22)

Indirektnih korisnika: oko 3600 (članovi porodica, NVO, Centri za socijalni rad i druge institucije sistema).

8. REZULTATI PROJEKTA

Objedinjene projektne aktivnosti „Rad kancelarije za besplatnu pravnu pomoć ženama” za sva četiri (4) projekta:

Rezultati besplatne pravne pomoći u odnosu na pružene usluge za period 01.01.2011. - 31.12.2011.: Centar za pravnu pomoć ženama imao je direktnih korisnica ukupno 1183.
Prosječni broj po radnom danu pruženih usluga besplatne pravne pomoći je 6,9.

Ukupno predmeta završeno je za 82 korisnice.
Od toga uspješne naplate alimentacije 28.
Ostali okončani predmeti po tužbi 54.

Uspješan ishod riješenih predmeta je 81.
Neuspješan ishod riješenih predmeta je 1.
Preostalo predmeta: svi ostali su u sudskoj proceduri.





Programski cilj:

Projekat se implementira u sklopu unapređenja i zaštite ljudskih prava, kao jednog od programskih ciljeva Fondacije lokalne demokratije.

- **Donator:**

Visoka komisija ujedinjenih nacija za izbjeglice/ UNHCR



- **Naziv projekta:** „*Besplatna pravna pomoć za tražitelje međunarodne zaštite u Bosni i Hercegovini*“

Period implementacije: 01.07.2010. - 31.12.2012. godine

5 Potrebe za projektom:

Projekat je pokrenut s ciljem pružanja besplatne pravne pomoći tražiteljima međunarodne zaštite, odnosno s potrebom da se osigura pružanje međunarodne zaštite u Bosni i Hercegovini u skladu sa Evropskom konvencijom o zaštiti ljudskih prava i osnovnih sloboda, Konvencijom o zaštiti izbjeglica, kao i drugim relevantnim međunarodnim instrumentima koji se bave ljudskim pravima, a koji su ratificirani od strane Bosne i Hercegovine.

Aktivnosti projekta:

- Rad s korisnicima (tražitelji azila, izbjeglice, osobe pod subsidijarnom zaštitom, žrtve trgovine ljudima, osobe koje su bile pod privremenim prihvatom, tražitelji subsidijarne zaštite) što podrazumijeva informisanje, pravno savjetovanje, zastupanje pred nadležnim tijelima (upravnim/sudskim)
- Podizanje javne svijesti i zagovaranje (kroz informisanje javnosti o ciljevima i djelovanju projekta putem medija, štampanje info- materijala i distribucija istog)
- Učešće u proceduri usvajanja izmjena i dopuna zakona relevantnih za ovu materiju
- Prisustvovanje različitim edukacijama u cilju jačanja kapaciteta

Korisnici:

Direktni: ukupno 18 i to:

Tražitelji azila 9; Osobe koje su imale status privremenog prihvata 4;

Osobe sa statusom izbjeglice 3; Osobe pod subsidijarnom zaštitom 1;

Žrtve trgovine ljudima 1.

Indirektni:

Informacije o pravima koja im pripadaju pružene su trojici indirektnih korisnika, od kojih su dvojica bili tražitelji azila u BiH, a treći je imao status privremenog prihvata.

• **Rezultati projekta:**

- Pravnu pomoć (informisanje, pravno savjetovanje, zastupanje) primilo ukupno 20 korisnika (direktnih i indirektnih), koliko je i predviđeno ugovorom zaključenim između FLD-a i UNHCR-a. Relativno skroman broj je uzrokovan smanjenim prilivom tražitelja međunarodne zaštite u BiH, kao i činjenicom da druga organizacija „Vaša prava“ ima primat, s obzirom na dugogodišnje djelovanje u ovoj oblasti
- Pored prevoda letaka na engleski jezik u ranijem periodu, tokom 2011. godine urađeni su prevodi na arapski, hindu i perzijski jezik. Određena količina je distribuirana u tri Terenska centra Službe za poslove sa strancima u Bihaću, Banjoj Luci i Zenici, kao i u Imigracioni centar Lukavica i Azilantski centar Rakovica tokom redovnih posjeta, gdje se nakon izvjesnog vremena dostavljaju nove količine informativnog materijala, ovisno o potrebi. Posjeta preostalim Terenskim centrima Službe bit će realizovana u dolazećem periodu
- Aktivna uloga u procesu donošenja Zakona o besplatnoj pravnoj pomoći na kantonalnom i državnom nivou, prilikom čega je Zakon na kantonalnom nivou usvojen sa naših sedam

od deset prijedloga. Trenutno čekamo usvajanje Zakona na državnom nivou, gdje je prema nezvaničnoj informaciji, također većina naših prijedloga prihvaćena

- Razmjena informacija sa drugim organizacijama, domaćim i inostranim, koje se bave pružanjem pravne pomoći tražiteljima međunarodne zaštite ili su na drugi način involvirane u ovu problematiku
- Sastanci sa državnim upravnim organima nadležnim za oblast azila u smislu razvijanja dobrih odnosa i saradnje

1. Programski cilj FLD: Zaštita kulturnohistorijskog i prirodnog naslijeđa

2. Donator: Evropska unija



3. Naziv projekta: “Zeleni se menadžment zaštićenih područja u prekograničnoj regiji Srbije i Bosne i Hercegovine”

4. Period implementacije: 01.12.2010. - 31.05.2012.

5. Potrebe za projektom:

Zaštićena područja danas pokrivaju samo 5,86% teritorije Srbije i 0,49% teritorije BiH. Postoje 462 zaštićena prirodna dobra u Srbiji i 383 u BiH. Standardima EU-a propisano je da bi najmanje 11% teritorija trebalo biti zaštićeno. Zaštićenim područjima, u obje zemlje, uglavnom upravljaju države putem javnih poduzeća. U praksi se pokazalo da većina takvih zaštićenih područja, suočena s ograničenim finansiranjem i nedovoljno kvalificiranim i motiviranim osobljem, ne može osigurati samoodrživo upravljanje. Privatni sektor i nevladine organizacije, u određenim okolnostima, mogu biti učinkovitiji u upravljanju prirodnim dobrima, zbog lakšeg pristupa različitim fondovima, kao i zbog njihovog kvalifikovanog osoblja. Potrebno je pronaći alternativu inovativnih rješenja kako bi se osigurala dugoročna održivost zaštićenih područja, te podržati održivi gospodarski razvoj kroz razvoj ekoturizma. Ova rješenja mogu biti generirana od strane nevladinih organizacija koje se bave okolišem, očuvanjem prirodne i kulturne baštine i podizanjem javne svijesti o zaštiti prirodnih dobara.

6. Aktivnosti projekta

- Analiza sadašnjeg stanja u BiH i Srbiji (institucionalni, organizacijski i zakonodavni okviri) u vezi upravljanja zaštićenim područjima i razvoja ekoturizma, identifikacija nedostataka i izrada preporuka za poboljšanje;

- Organiziranje uvodne radionice za menadžere zaštićenog područja, nevladine organizacije, lokalne vlasti i relevantna ministarstva iz obje zemlje u cilju predstavljanja projekta;
- Priprema upitnika i provođenje upitnika za lokalno stanovništvo na ciljanim općinama;
- Izrada smjernica za integrirano upravljanje prirodnim resursima i održivi razvoj turizma u skladu s odgovarajućim međunarodnim konvencijama;
- Organiziranje radionica za obuku menadžera i relevantne nevladine organizacije iz BiH i Srbije s ciljem draftanja i participativne izrade Akcijskog plana za integrirano upravljanje prirodnim resursima i održivog razvoja turizma u zaštićenim područjima;
- Izrada projektne dokumentacije za manje intervencije u prostoru u dva pilot područja (jedno u BiH i jedno u Srbiji);
- Formiranje mreže zaštićenih područja i nevladinih organizacija koji su uključeni u razvoj ekoturizma i zaštite prirode u programskom prekograničnom području;
- Kreiranje i implementacija promotivne kampanje (video spot, web stranica, promotivni štampani materijal);
- Organizovanje finalne projektne radionice sa prezentacijom rezultata projekta.

7. Korisnici

Ciljne skupine: NVO-i, okolišni NVO-i, menadžment zaštićenih područja, institucije koje se bave zaštitom prirode, lokalne vlasti i relevantna ministarstva, istraživačke organizacije, regionalne i lokalne razvojne agencije.

Krajnji korisnici: Stanovništvo programskog područja, lokalne zajednice, zemljoposjednici, istraživači, edukativne institucije, studenti, učenici, mladi ljudi, NVO-i, mala i srednja preduzeća, turistički sektor u obe zemlje.

8. Očekivani rezultati projekta

- Urađena analiza postojećeg stanja i preporuke za poboljšanje;
- Kreiran Akcioni plan za jačanje uloge NVO za zaštitu okoliša u razvoju zaštićenih područja i održivog turizma u okviru programskog područja, u skladu s odgovarajućim nacionalnim strateškim dokumentima;
- Urađene Smjernice za integrirano upravljanje prirodnim resursima i održivi razvoj turizma u skladu s odgovarajućim međunarodnim konvencijama;
- Praktična implementacija integriranog upravljanja prirodnim resursima i razvoju ekoturizma u praksi 2 pilot područjima;
- Poboljšani kapaciteti i mogućnosti za razvoj ekoturizma u 2 pilot područjima;
- Formirana Mreža zaštićenih područja i nevladinih organizacija koji su uključeni u razvoj ekoturizma i zaštite prirode u programu/graničnom području;
- Kontinuirano širenje informacija i komunikacija putem mreže;
- Povećanje kapaciteta organizacija i pojedinaca uključenih u upravljanje zaštićenim područjima unutar programskog područja.

9. Partneri u projektu:

Implementator iz BiH: Fondacija lokalne demokratije sa partnerom Ministarstvo prostornog uređenja i zaštite okoliša Kantona Sarajeva.

Implementator iz Srbije: Pokret Gorana Sremske Mitrovice sa partnerom Institut za zaštitu prirode Srbije.

Ministarstvo prostornog uređenja i zaštite okoliša Kantona Sarajevoučestvovat će u sufinansiranju Projekta u iznosu od 16,4% od ukupnog budžeta projekta za BiH.

Veći dio projekta je uspješno realizovan u 2011. godini. Posebno je uspješno realizovana Uvodna radionica u Sremskoj Mitrovici na kojoj je učestvovalo 20 predstavnika NVO i institucija iz BiH i još 33 predstavnika iz Srbije. Aktivnosti koje će se realizovati u 2012. godini su završetak izrade Akcionog plana, snimanje promotivnog spota na 10 zaštićenih područja (5 u BiH i 5 u Srbiji) radi promocije razvoja ekoturizma u zaštićenim područjima, te organizovanje finalne konferencije u Sarajevu na kojoj će ubiti prisutni učesnici na projektu iz obe zemlje i gdje će se predstaviti rezultati jednoipogodišnjeg projekta. Suradnja sa partnerom iz Srbije na realizaciji projekta je izvrsna, te smo ponovo zajedno aplicirali na novi poziv IPA prekogranične suradnje Srbija -BiH.



2. Učestvovali na poziv Federalnog ministarstva okoliša i turizma, sa idejom sufinansiranja projekta „Zeleni se menadžment zaštićenih područja u prekograničnoj regiji Srbije i Bosne i Hercegovine”.

Prijedlog projekta je usvojen i Ugovor sa Ministarstvom potpisan 30. 12. 2011. godine. Vrijednost ugovora je 30.000KM.

2. Dvaministarstva Kantona

Sarajevo, Ministarstvo privrede i Ministarstvo prostornog uređenja i zaštite okoliša donijeli su odluku o sufinansiranju Biznis plana opravdanosti ulaganja u kasarnu u Bijambarama, pilot području projekta koji finansira EU. Sredstva su prebačena na naš račun FLD je implementirala ovu aktivnost. Za izradu Biznis plana potpisan je ugovor sa prof. Tatić Kasimom sa Ekonomskog fakulteta u Sarajevu, koji je zajedno sa timom suradnika izradio studiju. Ovaj dokument će poslužiti Vladi Kantona Sarajevo da donese odluku o daljnjoj sudbini postojećih kasarna u Bijambarama, u koje Vlada sada samoulaže dodatna sredstva za održavanje objekata o daljnjem propadanju i nemogućnosti da se sa ovim objektima može raditi u budućnosti.

Naziv projekta: Dječije ljeto 2011. godine

Donator:



Directorate for European Integration

Period implementacije: juni - juli 2011.

Potrebe za projektom:

Projekat „Dječije ljeto“ je postala tradicionalna manifestacija u sklopu Ljetnog festivala Bašćaršijske noći. Program se održava od 2002. godine i ima za cilj animirati najmlađu populaciju i približiti im osnovna znanja o značaju i važnosti očuvanja sredine koja nas okružuje u njenom društvenom, prirodnom, kulturnom i historijskom smislu.

2011. godine u cilju podrške edukaciji i podizanju svijesti o vrijednostima i ideji Evropske unije, te važnosti procesa evropskih integracija za Bosnu i Hercegovinu, Fondacija lokalne demokratije je, u suradnji sa Direkcijom za evropske integracije kao prijateljem programa Dječijeg ljeta, pomogla održavanje (financijski i logistički) radionica za najmlađu djecu.

Aktivnosti projekta

Kroz četiri radionice najmlađi su, uz igru i interaktivni sadržaj koji nude magazin EU Palčić i bojanica Putujte sa Zvezdicom, koje je Direkcija pripremila i izdala tekuće godine, napravili prve korake u učenju o Evropskoj uniji i putu Bosne i Hercegovine ka članstvu u ovu evropsku porodicu.

Prva radionica pod nazivom "Ritmovi Evrope" je održana 06.07.2011. godine na platou ispred Katedrale.

Druga radionica pod nazivom „Evropski kolaž“ je održana 13.07.2011. godine u parku Atmejdan.

Treća radionica pod nazivom „Priče iz Evrope“ je održana 20.07.2011. godine u parku Atmejdan.

Četvrta radionica „Zvezdice za Evropu“ je održana 27.07.2011. godine u parku Atmejdan.

Korisnici

Direktni korisnici Programa Dječijeg ljeta su djeca od 1 do 18 godina, kroz aktivno sudjelovanje u programima; indirektni korisnici su i njihovi roditelji, kao i ostali posjetioci/građani, koji su pratili program, a po želji i učestvovali, dajući podršku najmlađima. Prema broju podijeljenih poklona ukupan broj korisnika je 1000.

Rezultati projekta

Kroz ove četiri radionice najmlađi su, uz igru i interaktivni sadržaj koji nude magazin EU Palčić i bojanica Putujte sa Zvezdicom, napravili prve korake u učenju o Evropskoj uniji i putu Bosne i Hercegovine ka članstvu u ovu evropsku porodicu.

Kvalitetnim sadržajem radionica upotpunjen je i ljetni raspust za djecu, za koje nema adekvatnih sadržaja tokom ljetnih mjeseci u gradu. Loša ekonomska situacija kod većine građanstva, a samim tim materijalne nemogućnosti roditelja da vode djecu na predstave ili koncerte za koje je potrebno platiti ulaznicu, ovo je bila izvrsna prilika da svojoj djeci priušte besplatnu zabavu sa mnogo razonode, edukativnih igara i mnogo poklona.

Projektom se ujedno diže nivo svijesti djece, ali i ostalog građanstva (roditelja i drugih posjetilaca), kroz aktivno sudjelovanje u programima koji su se nudili tokom održavanja manifestacije o značaju i procesu ulaska države BiH u EU.



OSTALE VAŽNIJE AKTIVNOSTI

„Dani otvorenih vrata Direkcije za evropske integracije”

Nakon uspješnih radionica namijenjenih najmlađima realiziranih 2010. godine, u cilju dalje promocije procesa evropskih integracija za Bosnu i Hercegovinu, uz zajedničku suradnju obilježen je program povodom Dana Evrope 2011. godine, namijenjen najmlađima. Fondacije lokalne demokratije je realizirala program, koji je bio namijenjen djeci i mladima, a u cilju njihove edukacije i podizanju svijesti o vrijednostima i ideji evropske porodice, te važnosti procesa evropskih integracija za Bosnu i Hercegovinu. Program je realiziran 07.05.2011. godine u i ispred zgrade Parlamentarne skupštine BiH, Trg BiH 1, Sarajevo, pod nazivom „Dani otvorenih vrata Direkcije za evropske integracije”. Radionica za djecu sa prigodnim koncertnim programa se realizirao i u Banjoj Luci sa partnerskom organizacijom „Zdravo da ste”. Direkcija za evropske integracije je u povodu dana Evrope promovirala novo izdanje *EU Palčića*. Na pomenutim proslavama osim dijeljenja pomenutih/novih printanih izdanja, kao i drugih promotivnih materijala, djevojčice i dječaci u Sarajevu i Banjoj Luci su imali priliku da se kroz adaptirane zabavne igre upoznaju sa idejom i vrijednostima Evropske unije, ali i Bosne i Hercegovine. Direkcija za evropske integracije Vijeća ministara BiH je bila zadužena da kao stručno tijelo koordinira navedene promotivne aktivnosti EU AWARENESS.



Partneri u realizaciji snimanja filma

Tokom januara, februara i aprila 2011. godine Fondacija lokalne demokratije je bila angažovana kao partner u realizaciji projekta snimanja dokumentarnog filma pod nazivom „Afterpeace“ - (Poslije mira) u produkciji „Contrastjournalistsgroup” iz Barcelone, Španija. Povod za snimanje filma je obilježavanje 15 godina od završetka rata.

Dani zdravstva Federacije BiH

U Sarajevu je 08.06.2011. godine otvorena trodnevna manifestacija "Dani zdravstva Federacije BiH" koju je pod pokroviteljstvom Federalnog ministarstva zdravstva organizirao Centar "Skenderija". Fondacija lokalne demokratije je u suradnji sa Gender Centrom Federacije BiH

promovirala info telefonsku liniju za prijavu nasilja u porodici, kao i ostale materijale iz oblasti nasilja u porodici.



Obilježavanje USAID-ove Misije u BiH u povodu 50-e godišnjice USAID-a i 15 godina njegovog prisustva u BiH

U oktobru 2011. godine USAID Misija u BiH organizirala je proslavu 50-e godišnjice USAID-a i 15 godina njegovog prisustva u BiH. Proslava je, između ostalog, uključivala okupljanje predstavnika svih projekata USAID-a ispred BBI centra u obliku 'sajma' njegovih projekata, radi njihove prezentacije široj javnosti. U tu svrhu Fondacija lokalne demokratije je u sklopu predviđenog prostora (štanda) prezentirala svoj projekt koji realizuje u okviru USAID-ovog Projekta za razvoj sektora pravosuđa. Fondacija lokalne demokratije je učestvovala zajednički sa svojom partnerskom organizacijom "Udruženje žena sudija BiH", kroz podjelu materijala i pisanja Peticije za implementaciju Zakona o zaštiti od nasilja, što je i cilj navedenog projekta.



Zvanična posjeta Skloništu premijera Kantona Sarajevo

Premijer Kantona Sarajevo Fikret Musić i Ministrica za rad, socijalnu politiku, raseljene osobe i izbjeglice posjetili su "Sigurnu kuću". U zvaničnoj delegaciji prisustvovala je i savjetnica premijera Lejla Mujkić, kao i direktorica JU „Kantonalni centar za socijalni rad“, stalni suradnik i partner Fondacije lokalne demokratije. U ime Sigurne kuće delegaciju su dočekali izvršna direktorica Fondacija lokalne demokratije, menadžerica Sigurne kuće, članica Upravnog odbora Mitheta Kurspahić, te program menadžerica Selma Begić. Izvršna direktorica Fondacije lokalne demokratije Jasmina Mujezinović upoznala je premijera Musića i ministricu Memić s kapacitetom, sistemom rada i rezultatima realizacije jednog ovakvog kompleksnog projekta. Naglasila je da je u proteklih deset godina kroz „Sigurnu kuću“ prošlo 1209 žena, djevojaka i djece.





Fondacija lokalne demokratije 2011. godine obilježila je 15 godina rada.

15 godina

+387 33 237 240 • +387 33 236 899
Bravadžiluk bb • 71000 Sarajevo • BiH
e-mail: adl@bih.net.ba • www.fld.ba

f o n d a c i j a
l o k a l n e
d e m o k r a t i j e

